

16. september 2004

UKA 2004 /37

ILUARSISSUTIT  
(Taarserpaa siunnersuut nassuiaatitalik ulloq 6. august 2004-meersoq)

### **Inatsisissatut siunnersuummut nassuiaatit**

#### **Nalinginnaasumik nassuiaatit**

Inuussutissarsiutit siuarsarneqarnissaannik aaqquissuussinerup 1. januar 2005 aallarnerfigalugu allannguuteqartinnissaanik ilimasaarinermut atatillugu, tamatumalu kingorna inuianni inuussutissarsiutit siuarsarneqarnissaannik aaqquissuussineq inuussutissarsiutit siuarsaavigineqarnissaannut ingerlatseqatigiiffikkut siunnersuinermik aningaasanillu tapiissuteqartarnermik kiisalu ingerlatseqatigiiffimmik aningaasaliissutinik ukiuni siullerni ernialersugassaangitsunik isumaqatiginninniartarfiusumik ilaqartillugu aqquissuunneqartussanngormat, unnuisarfiliorinissanut taarsigassarsiniartarfittut aningaasaateqarfik pilersinneqarsimasoq pisariaaruttussaavoq, taarsigassarsisitsisarneq tamanna ingerlatseqatigiiffiit nutaat marluusut killiliussaasa iluanni isumaqatiginninniutigineqarsinnaalissammat.

Namminersornerullutik Oqartussat aningaasaliiffigisaannik aningaasaliinernik assigiinnik aaqquissuussinerit, tamatumalu malitsigisaanik allaffitsigut aqutsinermi pisariaqavinnikkaluamik aningaasartuuteqarfiusut pinngitsoorniarlugit, aningaasaateqarfiup atorunnaarsinnissaa siunnersuutigineqarpoq. Takornariartitsisarnermik inuussutissarsiuteqarnerup aamma nunami inuussutissarsiutit siuarsarneqarnissaat pillugit Inatsisartut inatsisaanni atuuttumi § 10, imm. 9 naapertorlugu aningaasaateqarfik Inatsisartut inatsisaatigut atorunnaarsinneqartussaavoq.

Aningaasaateqarfiup suliani 1997-imiilli ingerlappaa, aatsaalli aningaasalersuinikkut tapersiisarneq pillugu Inatsisartut inatsisaatigut nr. 15-ikkut 31. oktober 1996-imeersukkut, kingornalu Inatsisartut inatsisaatigut matumuuna sularineqartukkut inatsisitigut tungavissinneqarluni. Aningaasaateqarfik takornarianut unnuiffissat pilersinnissaannut, allilernissaannut nutarternissaannullu taarsigassarsisitsinnaasarsimavoq. Taarsigassarsisitsinissamik aalajangernissaq tunngaveqartinneqartarpoq suliassatut pilersaarut aningaasaqarnikkut imminut napatissinnaanersoq, suliassatut pilersaarut Naalakkersuisut takornariartitsinermut politikkiannut tulluurtuunersoq, suliassatut pilersaarut ani-ngaasaliissutinut naleqqiullugu ineeqqanik amerlasuunik kinguneqassanersoq aammalu isumatuumik aqquissuussinermik tunngaveqarnersoq apeqquataatillugit.

Aningaasaateqarfimmut 1997-98-imi katillugit 28 mio. kr.-ingajaat aningaasaliissutigineqarput. 1999-imi 2000-imilu aningaasaliisoqanngilaq aammalu

2001-02-mi ukiumut 0,5 mio. kr.-iinnaat aningaasaliissutigineqarlutik, taakkunannga 0,2 mio. kr.-it allattoqarfiup sulineranut (Grønlandsbankenimik allaffissornikkut siulersuinissamut isumaqatigiissut) atugassanngortinneqarlutik. Taamaattumik aningaasaateqarfiup suliniutai ukiuni kingullerni tunngaviatigut 0-imi inissisimapput.

Katillugit 30 mio. kr.-it missaanniittut tapiissutigineqarput.

Aningaasaateqarfiup atorunnaarsinnerani aningaasaateqarfiup aningaasaatai Nunatta Karsiata pigilissavai, taamatullu Namminersornerullutik Oqartussat aningaasaateqarfiup pisinnaatitaaffii pisussaaffiilu tigussallugit, tak. Inatsisartut inatsisaanni § 10, imm. 9. Aningaasaateqarfiup aningaasaatai pigisassanngortinneqassasut aammalu aningaasaateqarfiup pisussaaffii suliassaalu ingerlatseqatigiiffimmu aningaasaliissutinik isumaqatiginninniartarfiusumut, inuussutissarsiutit siuarsarneqarnissaannik aaqqissuussinerup allanngortinneqareerneratigut 1. januar 2005-ip kingornatigut suliassanik isumaginnittussamut isumagisassanngortinneqassasut naatsorsuutigineqarpoq. Allattoqarfittut suliassamut aningaasaliissutit inuussutissarsiutit siuarsarneqarnissaannik aaqqissuussinerup allan-ngortinneqarneranut atasumik isumaqatiginninniartarfittut ingerlatseqatigiiffiup pilersinneqartup suliassaanut malinnaatinneqassasut naatsorsuutigineqarpoq.

Siunnersuut Namminersornerullutik Oqartussat qitiusumik allaffissornikkut aqutsisoqarfiannut ki-nguneqassanngilaq, aningaasaateqarfiup atorunnaarsinneqarneranut atasumik allaffissornikkut suliassaq naatsorsuutigissanngikkaanni.

Aningaasaateqarfiup atorunnaarsinnera inuussutissarsiuteqartunut aningaasaqarnikkut allaffissornikkulluunniit aqutsinikkut pitsaanngitsunik imatorsuaq kinguneqassanngitsoq naliliisoqarpoq, akerlianik tamanna pitsaaqutitut isigineqartariaqarpoq, tassa suliassaq aningaasaateqarfiup naammassisimasaa ingerlatseqatigiiffimmu aningaasaliussanik isumaqatiginninniartarfiusumut/ingerlatseqatigiiffimmu ukiuni siullerni ernialersugaanngitsunik aningaasaliissuteqartartumut isumagisassanngortinneqassammat, taamatullu inuussutissarsiutit siuarsaavigineqarnissaannut ingerlatseqatigiiffik pilersinneqaqqammersoq peqatigalugu inuussutissarsiuteqartunut siunnersuinikkut aningaasaliissuteqarnissamillu kiffartuussinikkut pitsaanerulersitsilluni.

Siunnersuut avatangiisinut pinngortitamullu tunngasutigut imaluunniit innuttaasunut allanulluunniit allaffissornikkut aqutsinikkut kinguneqassanngitsoq naatsorsuutigineqarpoq.

Siunnersuut 5. juni 2004 tusarniaassutigalugu nassiussuunneqarpoq oqaaseqaatissanik nassiussinissamut 16. juni 2004 killiliullugu.

Siunnersuut Greenland Tourism a/s-imut - Takornariaqarneq pillugu Siunnersuisoqatigiinnut, Ingerlatseqatigiiffinnut allattoqarfimmu, DeR-imut, SULISA A/S-imut, Unnuisa-fondenimi siulersuisunut, Akileraartarnermi

Pisortaqarfimmut aamma Aningaasaqarnermut Pisortaqarfimmut tusarniaassutigalugu nassiussuunneqarpoq.

Greenland Tourism a/s isumaqarpoq siunnersuut inuussutissarsiutit siuarsarneqarnissaannik aqqissuussinermit pisussamut naapertuuttoq. Ingerlatseqatigiiffinnut allattoqarfik, oqaaseqaatit teknikkimut tunngasut ilanngunneqartut saniatigut oqaaseqaaseqanngilaq. Aningaasaqarnermut Pisortaqarfik, Akileraartarnermi Pisortaqarfik, DcR aamma Sulisa A/s oqaaseqaateqanngillat. Aningaasaateqarfiup atorunnaarsinneqarnissaannik siunnersuut Unnusa-fondenip tusaatissatut tiguaa.

## **Siunnersuummi aalajangersakkanut ataasiakkaanut nassuiaatit**

### *§ 1-imut*

#### *Nr. 1-imut*

Kapitali taaneqartoq paragraffinik taaneqartunik imalik, aningaasaateqarfik maanna atorunnaartussaag pillugu aalajangersakkanik taamaallaat imaqarpoq. Siunnersuummi aalajangersakkat nalinginnaasut innersuunneqarput. Aningaasaateqarfimmit taarsigassarsisitsinissamik neriorsuuteqarnissaq il.il. maanna Inatsisartut inatsisaanni kapitali 3-kkut inatsisitigut tunngaveqartinneqartoq 1. januar 2005-ip kingornagut atuutiinnassaaq.

#### *Nr. 2-mut*

Unnusa-fondenip atorunnaarsinnissaannik taamalu inatsisiliamit peerneqarnissaannik siunnersuutip allannqortiternerata kinguneranik iluarsinerit tunngaveqartinneqarput. Siunnersuummi aalajangersakkat nalinginnaasut innersuunneqarput. Inuussutissarsiutit siuarsaavigneqarnissaannut ingerlatseqatigiiffik pilersinneqaqqammersoq aammalu ingerlatseqatigiiffik aningaasaliussanik isumaqatiginninniartarfik aqqissuussinerit allaffitsigut aqunneqarnissaanni kiffartuunneqarnissamik isumaqatigiissuteqarfigineqassasut naatsorsuutigineqarpoq.

#### *Nr. 3-mut*

Paragraffi maannanut § 20-mut, imm. 2-mut naapertuuppoq suliaassannqortitseqqittarnerlu pillugu aalajangersakkanik aammalu naammagittaalliuuteqarnissamut piffissarititaq pillugu paasissutissanik imaqarluni. Qinnuteqartup aalajangiinermik tigusaqarneraniit sap. akunnerinik sisamanik piffissaqartitsineq naatsorsuutigineqarpoq.

*Nr. 4-mut*

Allanngortitsinerup kinguneranik iluarsiiinerit pineqarput, tamatumani aalajangersagaq § 20-mut, imm. 1-imut nuunneqarluni.

*§ 2-mut*

Piffissaliussaq toqqarneqarpoq aningaasaateqarfimmik atorunnaarsitsinerup inuussutissarsiutit siuarsarneqarnissaannik aaqqissuussinerup allanngortinneqarfissaatut ilimasaarinnermut peqatigitinneqarnissaa qulakkeerniarlugu, taamaalilluni suliassat aningaasaateqarfiup manna tikillugu sularisimasai oqartussaaffimmi allami aaqqinneqarsinnaalerniassammata.